



14
1544
80



左傳也而列於經也漢儒專治之自漢
以素人等一卷之既自謂握靈敏珠矣然
而鮮有能盡其蘊者杜元凱號稱左傳
亦不過句梳而字搗之俾讀者曉於易
解而其中義蘊之闕包含之富別亦不
能無遺焉余於是書原未嘗有所心測
第自東觀變書而已肄業及之止以借
以為帖括助而習熟久之偶終錄貫隨以
已見書於冊比是書篋中檢得馬氏書
編適協念心因再加整理訂而別為一書焉若

左傳也而列於經如漢儒專治之自漢
以素人乎一卷亦既自謂握靈敏珠矣然
而鮮有終盡其蘊者杜元凱號稱左癖
亦不過句梳而字搗之俾讀者曉於易
解而其中義蘊之闕包含之富別亦不
終無遺焉余於是書原未嘗有所窺測
第自束髮受書中已肄業及之止不借
以為帖括助而習熟次久偶終繇貫隨以
已見書之於冊比後書簾中檢以馬氏事
編適協余心因再加釐訂而別為一書焉若

謂余有所會心而居世得與多領也則豈敢為村李胡文者

[Faint bleed-through text from the reverse side of the page]

左傳事緯卷一

鄒平 馬驥 撰 羅江 李調元 贊

天文分野

分野之說古人每詳言之周禮保章之職既難考論而見於左氏內外傳者猶可類推也武王克商歲在鶉火故伶州鳩曰歲之所在我周之分野也則鶉火為周分矣晉文即位歲受實沈故董因曰晉人其居則實沈為晉分矣襄二十八年歲淫元枵禛衡于鳥尾周楚惡之則鶉尾為楚分矣昭十七年星見大辰梓慎知宋鄭之災日宋大辰之虛也則大火為宋分

矣獨其說有可疑者星紀北而吳越南井鬼南而秦居西虛危在北降婁屬西魯宅曲阜或以受封之始歲星所在為說然有絕而復續者封日既異前星又豈可據乎夫春秋戰國地域變遷三晉未分晉當何區秦拔西河魏當何屬周末東遷何故已直鶉火陳滅于楚何自而入韓分且中國幾何蠻夷戎狄豈日星所不臨哉天道在西北而晉不害越得歲而吳受其凶皆以歲星所在言之也然豕韋實衛晉何以吉吳越同野吳何以凶衛既水屬何故與宋陳鄭同火而禪竈先知之且顛頊之虛姜氏任氏實守其祀

是又齊薛之分矣此皆不可曉者前哲要自有見也

日食三十六

隱三年春王二月己巳日有食之

桓三年秋七月壬辰朔日有食之既

十有七年冬十月朔日有食之

莊十有八年春王三月日有食之

二十有五年六月辛未朔日有食之鼓用牲于社

二十有六年冬十有二月癸亥朔日有食之

三十年秋九月庚午朔日有食之鼓用牲于社

僖五年秋九月戊申朔日有食之

十有二年春王三月庚午日有食之

十有五年夏五月日有食之

文元年春二月癸亥日有食之

十有五年夏六月辛丑朔日有食之鼓用牲于社

宣八年秋七月甲子日有食之既

十年夏四月丙辰日有食之

十有七年夏六月癸卯日有食之

成十有六年夏六月丙寅日有食之

十有七年冬十有二月丁巳朔日有食之

襄十有四年春二月乙未朔日有食之

十有五年秋八月丁巳日有食之

二十年冬十月丙辰朔日有食之

二十有一年秋九月庚戌朔日有食之

冬十月庚辰朔日有食之

二十有三年春王二月癸酉朔日有食之

二十有四年秋七月甲子朔日有食之既

八月癸巳朔日有食之

二十有七年冬十有二月乙亥朔日有食之

昭七年夏四月甲辰朔日有食之

十有五年夏六月丁巳朔日有食之

十有七年夏六月甲戌朔日有食之
二十有一年秋七月壬午朔日有食之
二十有二年冬十有二月癸酉朔日有食之
二十有四年夏五月乙未朔日有食之
三十有一年冬十有二月辛亥朔日有食之
定五年春王三月辛亥朔日有食之
十有二年冬十有一月丙寅朔日有食之
十有五年秋八月丁辰朔日有食之
哀十有四年夏五月戊申朔日有食之

良月

十月為良月傳曰就盈數焉

星名

龍 角亢也傳曰龍見而雩龍見而畢務

天根 氐也外傳曰天根見而水涸

天駟 房也外傳曰月在天駟

大辰 心也傳曰星孛大辰

大火 心也傳曰心為大火火伏而後蟄者畢

龍尾 尾也傳曰龍尾伏辰

天策 傳說星也傳曰天策惇惇

析木之津 箕斗間也傳曰今在析木之津

星紀 斗牽牛也傳曰歲在星紀

婺女 須女也傳曰星出婺女

元枵 虛危也傳曰淫于元枵

天黿 虛危也外傳曰星在天黿

蛇 虛也傳曰蛇乘龍

顓頊之虛 虛也傳曰歲在顓頊之虛

北陸 虛危也傳曰日在北陸而歲冰

大水 營室也傳曰其星為大水

姬訾之口 室壁也傳曰歲在姬訾之口

豕韋 室壁也傳曰歲在豕韋

降婁 奎婁也傳曰降婁中而且

大梁 昂畢也傳曰歲及大梁

西陸 昂畢也傳曰西陸朝覲而出之

實沈 參也傳曰實沈主參

味 柳也傳曰味為鶉火

鶉火 柳星張也傳曰鶉火之賁賁

鳥帑 翼軫也傳曰以害鳥帑

北斗 紫微垣附近星也傳曰星字入于北斗

歲 歲星也

漢 天漢也傳曰西及漢

孛

妖星也

彗

妖星也傳曰齊有彗星

星孛三

長十四年在獲麟後不數

文十有四年秋七月有孛星入于北斗

昭十有七年冬有星孛于大辰

哀十有三年冬十有一月有星孛于東方

十有四年冬有星孛

星隕一隕石一附

莊七年夏四月辛卯夜恆星不見交 星隕如雨

僖十有六年春王正月戊申朔隕石于宋五

雨雪

雪曰雨雪螽曰雨螽凡白上下者皆曰雨

經用周正傳參夏時

春秋經用周正而傳或參以夏時以經為孔子所筆削而傳則旁採傳記也周禮烝以仲冬而魯烝以正月時王之正月也定之方中夏之十月周之十二月而城楚邱乃書於來年之正月紀其成也何以見傳之參以夏時也四月取麥秋取禾是夏時矣穀鄧來朝經書夏傳記以春亦用夏時也而正月朔日南至傳顧以周正說傳亦何常之有若以孔子欲行夏時

而遂謂春秋之經亦用夏正則二月無冰十月大雪
 又何必以書異哉抑又考之晉人城杞師曠曰會于
 豕匡之歲於今七十三年然自文十一年正月至襄
 三十年二月癸未實七十四年則與曠說違以長歷
 計之文十一年之三月乃甲子朔實夏之正月而合
 七十三年之數晉固用夏正矣左氏或據晉史不能
 盡革故十二月申生縊經書明年春十一月殺先克
 經書明年正月冬殺平鄭經書明年春經傳互異而
 杜氏每曰從赴夫赴必稱日月豈能更乎諸儒紛紛
 殊為無稽

周歷

春正月建子	<small>日南至</small>	殷十二月夏十一月
二月建丑	<small>日在北陸</small>	殷正月夏十二月
三月建寅	<small>啟蟄而郊</small>	殷二月夏春正月
夏四月建卯	<small>日在在</small>	殷三月夏二月
五月建辰	<small>日在西陸出</small>	殷四月夏三月
六月建巳	<small>龍晨見東</small>	殷五月夏四月
秋七月建午	<small>方而雩</small>	殷六月夏五月
八月建未		殷七月夏六月
九月建申		殷八月夏七月

冬十月建酉

始殺而嘗

殷九月 夏八月

十一月建戌

日在心龍晨見東方土功戒事

殷十月 夏九月

十二月建亥

火晨見土功致用開蟄而燕水昏正土功裁

殷十一月 夏十月

周室封建

周室封建自武王及成康皆有之故昭九年傳曰武王成康之建母弟二十六年傳曰武王克殷成王靖四方康王息民並建母弟以蕃屏周是也按周公營洛始封康叔成王翦桐以封唐叔如此之類明非武王所封也其昭二十八年傳曰武王克商光有天下兄弟之國十有五人姬姓之國四十人蓋言克商乃

得封建歸功於武王耳又僖二十四年傳曰周公弔二叔之不咸故封建親戚以蕃屏周然所數二十六國亦非盡周公一時所建也

天子諸侯建都

天子建邦設都故諸侯分土而置周自后稷封邰公劉遷豳太王居岐文王作豐則猶夏商之侯國也武王宅鎬成王營洛以定鼎則為天子矣及周室凌夷而平王東遷遂入春秋其曰王城即成王所營之下都也鄆也其敬王之遷成周即成王所營之下都也魯都曲阜本少昊之墟也又大庭氏居之故傳有大

庭氏之庫又曰大庫之庭

晉都唐謂之夏墟大名也本堯所都謂之平陽晉水出焉故名曰晉正名翼亦名絳而平陽是其總名曲沃繼統遂居晉都至景公遷於新田復命新田為絳而以故都為故絳

齊都薄姑遷於營邱本顓頊之墟也

秦非子始居秦谷襄公赴幽王之難故平王與以岐豐之地莊公居犬邱文公居汧渭德公遷於雍自德公以下十八世居雍至獻公遷櫟陽孝公遷咸陽皆在春秋後也

楚都丹陽武王遷郢至昭王為吳所滅又遷於都其始號荆至成王始改號楚也

宋都商邱本陶唐氏火正閼伯之墟也謂之火辰之墟相王因之

衛都朝歌本紂都謂之商墟及懿公為狄所滅宋桓公立戴公以廬于曹齊桓公城楚邱而遷之後文公又遷於帝邱顯帝之墟也故曰帝邱夏世昆吾氏居之故有昆吾之墟

鄭本封西周畿內之地至武公而遷濟洛河潁之間謂之新鄭

陳都宛邱大皞之墟

蔡都汝南昭侯服役于楚徙州來

許國小近鄭再滅之以為俘邑悼公附楚遷葉又遷

於城父又遷於白羽許遷於容城

曹都定陶

莒都密州遷鹽官謂之南莒

邾都邾文公遷於繹其後魯伐邾取繹當別有繹

吳都姑蘓

越都會稽

滕遷都於公邱其故地為小邾

薛故都本在魯地築臺於薛是也奚仲遷於邳

杞都雍邱遷於緣陵又遷淳于

小邾都故滕也以上二十國有世系圖

諸小國都名見左傳者統都上陽州都淳于鄆都開

陽肥都昔陽都都商密

諸侯興廢

魯滅四國

項

根牟

鄆

邾

晉滅十三國

耿

霍

魏

虢

虞

潞氏

甲氏

留吁

鐸辰

偃陽

肥

陸渾

鼓

古者以縣統郡與後世不同故楚人滅國以蒸
晉趙簡子曰克敵者上大夫受縣下大夫受郡杜氏
曰千里百縣縣有四郡

列國城郭井里宮室園池

城方丈曰堵堵三為雉城上女牆曰牒曰陣曰
地有兩名者時來曰邾大邱曰垂句瀆

黑壤曰黃父夷曰城曰打曰白羽犖曰檉郊曰拔卷
楚曰斷道沙曰瑣祝其曰夾谷垂葭曰郟氏牽曰脾
上梁之閒鄖曰發陽

道六達謂之莊齊城外有之九達謂之達鄭城內有

之或名達市或名達路或名大達吳晉往來之道曰
夷庚魯東南有五父之衢鄭有周氏之衢衛有馬路
之衢

楚人家前闕曰經皇寢門闕曰室皇大夫亦有寢門
傳曰晉趙盾寢門闕矣一曰亦有朝傳曰崔氏之朝
王侯之廟以謚名宮如曰平宮桓宮莊宮魯煬宮僖
宮之類是也鄭祖廟曰大宮楚曰大室
諸侯之宮曰公宮太子之宮曰東宮又魯有楚宮晉
有同宮銅鞮之宮虎祁之宮楚有渚宮章華之宮宋
有沃宮鄭有西宮北宮

諸侯之臺晉虎祁之宮說苑作馳底之臺楚有章華之臺齊有遯臺檀臺衛有靈臺秦亦有靈臺按列國多有臺晉靈公從臺上彈人季平子登臺而請之類是也

周城門曰東門園門北門亦名乾祭

魯城門曰東門亦名雩門南門亦名上東門東城北門

鹿門南城北門北門郭門曰萊門子駒之門

城內有社圃桐汝之間外有蒲圃

晉有桃園

齊城門曰東門亦名東閭西門亦名揚門北門稷門

鹿門 雍門

城中有魚里 外有中池

秦城門曰東門

楚城門曰西門 北門

城中有蒲胥之市

宋城門曰揚門正東盧門東南桐門北南門

西門 曹門 蒙門 澤門 有舊墉桑林之

城內有南里

衛城門曰東門 南門 西門 北門 閼門

郭門曰益獲之門

城內有藉圃

鄭 城門曰東門 南門 北門 舊北門 渠門

皇門 郭門 墓門 師之梁 時門 桑園門

外郭門曰純門 遠郊門曰桔杖之門

城中有襄庫 羊肆 城中之里曰中分 城

外有南里

陳 城門曰栗門

許 城門曰東門

邾 城門曰魚門 郭門曰范門

絞 城門曰南門 北門

爾雅曰梁莫大于溴梁又曰梁山晉室也

魯有大野傳曰西狩于大野宋有孟諸傳曰孟諸之

麋楚有雲夢傳曰楚子田江南之夢又曰涉睢濟江

入于雲中鄭有圃田傳曰鄭之有原圃猶秦之有具

圃大野諸名亦皆爾雅釋地文也

國大禮書名亦古稱縣縣此文也
 八千雲中破木圖四衛曰禮之休氣圖節秦之南具
 樂焚林雲楚斬曰焚于四山南之楚又曰越華齊氏
 魯有大禮斬曰西林下大理宋氏益諸斬曰益諸之
 國斬曰果莫大下果果又曰果山晉室也
 姓 姓曰南門 北門曰北門

左傳事緯卷二

鄒平 馬驪 撰 羅江 李調元 贊 卷才

姓氏

姓氏今不復別按天子賜姓命氏諸侯命族族者氏
 之別名也姓以繫百世使不別氏以別子孫所自出
 舜之嫡禹之姒伯夷之姜是因生賜姓也舜曰虞禹
 曰夏伯夷曰呂是胙土命氏也叔牙季友則以字矣
 宋戴衛齊則以諡矣司徒司馬則以官矣趙魏范韓
 則以邑矣蓋天子既命之曰齊魯侯業已胙土命氏
 而諸侯位卑無土可分故不命氏而命族久之則族

亦氏也但不敢賜姓耳姓繫百世如周之支庶皆守
姬姓其曰魯衛毛冉之名則子孫所別也謂之氏矣
滕土命氏據封諸侯然耳亦有王臣不封者王亦或
賜之族與諸侯之臣無異春秋尹氏武氏是已諸侯
之臣卿乃得賜族蓋位登其極理合建家無駭卿也
故翬請之有德薄未足建家則雖卿亦不賜族翬挾
溺柔其後無剛未得族也國語稱黃帝之子二十五
人其得姓者十二人天子之子不盡得姓諸侯之臣
豈盡得族哉其士會之帑處秦者為劉氏伍員之子
在齊為王孫氏如此之類非盡君賜子孫繁衍其流

至於萬姓是又當別論也
晉侯名周衛侯名鄭陳侯名吳衛侯名晉魯侯名宋
皆以國為名者也或曰不以國謂不以本國耳

諡法

諡法起於周前此未有也卒哭而諱將葬而諡周人
以諱事神故諱則有諡白虎通言生有爵死有諡謂
君卿大夫同也春秋之世吳越之君無諡闔廬句踐
是已秦楚宋鄭之卿無諡孟明子文華元子產是已
晉衛之大夫無諡羊舌肸蘧瑗是已

布德執義曰穆名與實爽曰繆秦伯任好三納晉君

遂霸西戎宜稱穆矣而諸家謂其殺三良以殉故謚曰繆夫葬穆者康公也豈有故從其亂命而加以惡謚乎

靈惡謚也春秋被弑之君如晉之夷臯陳之平國鄭之夷楚之虔咸謚曰靈楚成王謚靈不暝共王曰為靈若厲其為惡謚也明矣然史稱周之東也王綱不振迨靈王周道始昌諸侯服從故左氏曰靈王生而有頡王甚神聖無惡于諸侯克終其世又似非惡謚也

楚世家言熊通自立為楚武王則非謚法然恐亦臨文遷就之辭耳如周公謂伯禽曰我文王之子武王之弟成王之叔父伍子胥曰報爾平王當時周成楚平固在也史筆往往如此左氏亦有誤用者陳桓公方有寵於王惟一處而已

春秋謚有三字者衛之貞惠文子也有生賜者衛侯之於北宮貞子析朱成子也有出奔而仍得謚者臧武仲中行文子也有作亂被誅而仍得謚者崔武子藥懷子也

婦人無謚謚從其夫而已晉文嬴衛宣姜莊姜宋共姬秦穆姬之類是也亦有與夫異謚者如景之穆后

桓之文姜莊之哀姜惠之繼室聲子成之妾定姒又不盡然卿之內子或亦殊謚孟穆伯之戴已聲已足也

晉文公從亡之臣見於傳者狐偃趙衰顛頡魏犢胥臣狐毛賈佗介之推凡八人鄭叔詹曰有三士足以上人國語宋公孫固曰晉公子父事狐偃師事趙衰長事賈佗又說苑介子推懸書云五蛇從之左傳叔向曰有士五人諸說互異未詳所指

傳曰驪姬之亂詛無畜羣公子故文公子雍在秦樂在陳黑臂在周襄公之孫談在周蓋諸子悉出他國懲驪姬之亂也雖成公復立公族而顯者亦少是後見於傳者唯揚于及愁耳昭十八年鄭人救火辭晉公子公孫于東門外是公族猶多在他國也

王侯妃匹

婦人國下繫姓示不忘本且別他族齊姜衛姬葛嬴宋子之類是也有字下繫姓者齊女曰孟姜季姜宋女曰孟子仲子是也有謚下繫姓者莊姜聲子懷嬴文芊是也姬為周姓故王室及同姓之女皆曰某姬晉平公以同姓之女為嬪御故子產曰內有四姬後世不知遂以為侍妾之稱國策言幸姬如姬漢書言

諸姬愛姬不辨為周姓矣惟娣如之如不以禹姓爾
雅曰長婦謂稚婦為娣婦娣婦謂長婦為如婦則自
古已然

婦人有名有字婚禮納采問名公羊傳字而笄之如
宋元之母曰棄齊景之妃曰重是其名也而如叔姬
伯叔是其字也

匹配曰妃名通適妾故陳哀公有元妃二妃下經魯
惠公亦有元妃孟子元之一字兼始適二義故杜曰
始適夫人若始而非適適而非始皆不得稱元孟任
哀姜是已妃字則無尊卑之異雖大夫亦稱之禮曰

以某妃配某氏是也其尊卑殊稱詳於曲禮天子曰
后諸侯曰夫人大夫曰孺人士曰婦人庶人曰妻
諸侯元妃既死禮無重娶之義而以元妃之姪娣為
繼室故惠公繼室以聲子晉侯請繼室於齊是也大
夫亦然傳曰臧宣叔娶於鑄而死繼室以其姪

周諸王妃

平王

宜白

桓王

琳

紀季姜

王后桓公九年逆

莊王

作

王姚

王妾生子類

僖王

齊胡

惠王閔 陳嬀王后生襄王及王子帶

襄王鄭 隗氏王后狄女

頃王壬臣

匡王班

定王喻 姜氏王后宣公六年逆

簡王夷

靈王泄心 姜氏王后襄公十五年逆

景王貴 穆后王后生太子壽

敬王丐

魯諸公妃

惠公 孟子夫人 聲子繼室生隱公 仲子再娶夫人

隱公息姑 未詳

桓公軌 文姜莊公十四歲即位及季友

莊公同 哀姜夫人 叔姜生閔 孟任生子般 成風

生僖

閔公啟 未娶

僖公申 聲姜夫人

文公興 出姜夫人 敬嬴生宣公

宣公接 穆姜夫人 敬嬴生宣公

其母何氏也宣公元年娶穆姜成二年公

左傳事

卷二

六

生未得有長
成之男也

成公黑肱

齊姜夫人

定姒生襄公四歲即位

襄公十

敬歸野生子

齊歸生昭公二十歲即位

昭公禚

孟子夫人

定公宋

定姒夫人 生

哀公蔣

公子荆之母
嬖未詳何氏

晉妃

齊姜本武公妾 獻公烝之

賈君獻夫人

狐姬生文

小戎子生惠

驪姬卓子 生奚齊 其姊生

梁嬴惠公妻 生懷公

文嬴文夫人

偁姑文妃 班在 二生襄公

季隗班在三生 伯儵叔劉

杜

祁班在四 生雍

辰嬴即懷嬴 班在 九人生樂

姜氏以上俱 文妃

穆

嬴襄夫人 生靈公

悼夫人杞女生 平公

少姜平公 寵

衛姬平公

齊妃

王姬襄夫人 以上三人 桓夫人

衛姬僖公之寵 生桓公

王姬

徐嬴

蔡姬

共姬即長衛姬 生無虧

少衛姬生惠

鄭姬

葛嬴生昭 公

密姬生懿

宋華子生子雍 以上六人 桓

子叔姬昭夫人

蕭同叔子惠妃生 頃公

聲孟子

顏懿姬靈夫人

駿聲姬生莊 公

仲子牙生

戎子

穆孟姬生景公 以上靈諸妃

燕姬景夫人

鬻如牙生

齊妃

胡姬 重景以上 季姬悼夫

秦妃

穆姬穆夫人 康公及公子

楚妃

鄧曼武人

息媯文夫人

秦嬴共夫

巴姬共王

鄭封人女平夫人

秦嬴平納建之

越女昭妃

宋妃

共姬共夫人

弃平妃

景曹元夫

衛妃

莊姜莊夫

厲媯生孝

戴媯生桓公

夷姜莊

宣公急子

宣姜宣公納急子之妻為夫人

宣姜宣公納急子之妻為夫人

許穆夫人

定姜定夫

敬如定姜

宣姜襄夫

媯始襄嬖生孟

南子靈夫

呂姜莊夫

夏

戊女出夫

鄭妃

武姜武夫

鄧曼莊夫人

雍姑莊妃

陳媯子儀

文萃文夫

姜氏

江女子生

士蘇女俞子

燕姑生穆公

宋子穆妃

孔圭媯穆妃

姚子穆妃

陳妃

卷二

鄭姬

哀元妃 生偃師

二妃

生

下妃

生

邾妃

齊姜

文元妃 生定公

晉姬

文二妃 生穆

晉卿十一族

晉卿十一族韓魏趙狐胥先卻欒范中行知也賈季奔狄而狐氏廢胥克有疾而胥氏廢先穀得罪而先氏廢欒卻廢趙而趙復興欒氏譖殺三卻而卻氏廢范宣子逐欒盈而欒氏廢知趙魏韓逐范中行氏而趙魏韓復共滅知伯是後遂為三晉矣

韓氏 其先與周同姓或曰韓萬曲沃莊伯之弟也

晉獻封萬于韓原以為韓氏宣十二年景公以韓厥為司馬成三年晉作六軍使厥將新中軍賞鞏之功也十三年將下軍十八年繼欒書為政將中軍襄七年告老長子無忌有廢疾不得立讓于弟韓起使無忌掌公族大夫起佐上軍知瑩稟厥以為政而悼公復霸昭二年起將中軍聘於魯觀書於太史氏曰周禮盡在魯矣十三年會於平邱二十八年卒定十三年韓不信同逐范中行氏不信之孫滅知伯再傳而侯侯六世而王王六世而秦滅之魏氏 其先畢公高之後也武王封弟高于畢以畢

為姓其裔孫畢萬事晉晉獻公滅魏以封之卜偃曰
其後必大萬盈數也魏大名也魏犇從亡文公以為
戎右成十八年悼公即位以呂相魏頡為卿以魏絳
為司馬襄三年終佐新軍和諸戎十一年而有蕭魚
之會公曰八年之中九合諸侯子之力也賜絳金石
之樂十三年佐下軍十八年將之平公世也昭之五
年魏舒佐上軍二十八年晉滅祁羊舌氏舒遂為政
將中軍頃公十二年也定元年城成周卒十三年曼
多同逐范中行氏後其子豹與韓趙共滅知伯傅斯
而為列侯侯之孫稱王王六世而秦滅之

趙氏一其先與秦同祖至造父為周穆王御賜以趙
城因以為姓七世孫叔帶去周事晉又五世而趙夙
為獻公戎御賜之耿驪姬之難趙衰從重耳出亡文
公反國以為原大夫僖二十七年晉作三軍欲以為
卿趙衰辭三十一年晉作五軍衰將新上軍始為卿
文二年襄公使佐中軍五年卒六年趙盾將中軍立
靈公使趙穿為散卿宣二年公無道穿弑之太史書
曰趙盾弑其君盾以趙括為公族大夫盾卒趙朔嗣
立宣八年佐下軍十二年將之以括及趙嬰為中軍
大夫趙同為下軍大夫成三年景公作六軍括佐新

中軍趙旃佐新下軍嬰通於莊姬同括放之姬譖殺
同括既景公用韓厥之言而立趙武焉悼公立以為
卿佐新軍襄九年將之十二年將上軍二十五年將
中軍相平公以為政傳曰再合諸侯三合大夫服齊
狄寧東夏平秦亂城淳于皆武之力也武退然如不
勝衣其言訥訥然如不出諸口所舉於晉國管庫之
士七十有餘家生不交利死不屬其子焉昭元年卒
五年趙成佐中軍二十五年趙鞅合諸侯於黃父明
年納敬王定十三年范中行攻鞅奔晉陽於是知韓
魏氏共逐范中行氏而反鞅哀二十年子無恤嗣無

恤與韓魏滅知伯其後侯者六世王者六世而秦卒
滅之

狐氏 其先本唐叔之後別在戎狄為狐氏獻公娶
二女於戎戎狐姬生文公狐突以姬故事晉為大
夫閔一年申生伐東山突為戎御二子狐毛狐偃從
文公出亡懷公立召毛偃不至殺狐突及文公得國
僖二十七年使毛將上軍偃佐之明年敗楚於城濮
文六年襄公蒐于夷使狐射姑將中軍趙盾為佐陽
處父改蒐而易之以射姑佐趙孟射姑怒及襄公卒
射姑將迎公子樂于陳而立之趙盾不從殺公子樂

於鄆故射姑殺處父而奔狄狐氏亡

胥氏 胥臣食邑於白曰白季從文公出奔及反國使佐下軍文五年臣卒十二年趙盾使胥甲佐下軍宣元年放甲而立胥克八年克有蠱疾卻缺廢之胥氏亡

先氏 閔二年申生伐東山先友為右僖二十七年文公使先軫佐下軍二十八年將中軍上德也敗楚師於城濮文公為侯伯軫之功實大焉二十三年敗秦于殽獲三帥是秋免胄馳狄師而死狄人歸其元面如生襄公以其子先且居將中軍文五年卒七年

先克佐中軍先蔑將下軍先都佐之初襄公之卒也趙盾使先蔑逆公子雍於秦既而背之故蔑奔秦九年都作亂殺克晉人殺都宣十二年先穀佐中軍邲之戰不用命而敗於楚十三年召赤狄將為亂景公殺之盡滅其族先氏亡

卻氏 晉公族也其先食邑於卻因氏焉至卻芮而受采於冀芮事夷吾及文公反國芮及呂錫將焚公宮公如河上秦穆公誘殺呂卻卻氏廢胥臣過冀見卻缺耨夫婦敬如賓言於文公而使為下軍大夫僖三十三年襄公立卻缺獲白狄子命為卿文十二年

將上軍宣八年將中軍廢胥氏十二年卻克佐上軍
十三年將之十六年佐中軍十七年將之成二年敗
齊於鞏報其笑辱也十三年卻錡佐上軍卻至佐新
軍十六年錡將上軍卻犇將新軍錡及至犇皆汰侈
號三卻鄆陵之役至進六間之說而勝楚反役欒氏
譖三卻而殺之卻氏亡

欒氏亦公族也晉靖侯孫欒賓食采于欒因以為
氏賓傳曲沃桓叔其子共叔事哀侯僖二十七年文
公以欒枝將下軍文五年卒十二年欒盾將下軍宣
十二年欒書佐下軍成二年將之從卻克以勝齊于

鞏四年將中軍十六年勝楚于鄆陵十八年與中行
偃弒厲公而立悼公以欒黶為公族大夫襄九年將
下軍十六年平公使欒盈為公族大夫十八年佐下
軍黶汰欒氏多怨盈又好施士旬畏之二十一年晉
逐欒盈合諸侯以錮之盈入為亂二十三年克之欒
氏亡

范氏其先陶唐氏裔也在周為杜伯宣王殺杜伯
其子隰叔奔晉為士師故為士氏士為為獻公除公
族使為司空士穀嗣之文六年文公蒐于夷將使穀
將中軍先克不可八年作亂九年殺先克襄公殺穀

靈公之立也士會奔秦既而復之宣十二年將上軍
十六年滅赤狄甲氏留吁鐸辰景公請于王以黻冕
命將中軍兼太傅明年先卻克而請老子士燮佐上
軍成十三年將之十六年佐中軍反自鄆陵祈死而
卒十八年悼公使士魴為卿士渥濁為太傅襄九年
士匄佐中軍十三年魴卒將使匄將中軍讓於中行
偃十九年將之二十三年克欒氏昭五年士鞅將下
軍定元年將中軍十三年士吉射與中行寅作亂晉
卿共逐之奔朝歌哀五年奔齊范氏亡
中行氏 本荀氏也荀林父將中行故為中行氏文

七年佐上軍十二年佐中軍宣十二年將之敗於邲
林父請死景公使復其位成十三年荀庚佐中軍十
六年荀偃佐上軍襄九年將之十三年將中軍十四
年伐秦十八年合諸侯同圍齊明年未至而卒昭元
年荀吳將上軍敗無終及羣狄十二年滅肥二十二年
滅鼓二十九年荀寅為下卿定公十三年與范氏作
亂晉逐之中行氏亡

知氏 亦荀氏也與中行氏同宗荀首食采于知故
別稱知氏宣十二年首為下軍大夫十三年佐上軍
十七年佐中軍初楚之敗晉于邲也楚人囚知瑩及

首佐中軍乃以公子穀臣及襄老之尸易瑩而歸之
成十三年瑩佐下軍襄九年將中軍輔悼公以為政
明於戰陣之法三駕伐鄭遂復霸業瑩之力也十三
年卒昭五年荀盈佐下軍九年荀躒嗣之定十三年
與韓魏趙共逐范中行氏其子荀瑤求地於三晉故
三晉共滅之在春秋後知氏亡

魯三桓

魯三桓孟孫叔孫季孫也慶父欲竊君位叔牙黨之
季友酖叔牙而立叔孫氏慶父縊而魯立孟孫氏友
獲莒擘而立季孫氏此三桓之始也

季孫氏 自季友獲擘賜田而手文嘉名公卿上卿
之兆始應至文子縱遂殺適而魯君失政武子專國
而政建大夫歷悼子平子而昭公見逐桓子嗣立而
陽虎作亂康子奪適季氏漸衰原其初本以忠良之
心除慶父而安魯國其後驕恣專國而家臣又專其
烹天之報施豈誣也哉

孫氏 僖四年戴伯侵陳為叔孫之始其子莊叔
鼎之而惠伯別為叔仲氏莊叔黨遂殺適而惠伯死
節穆叔則詛三軍以彊公昭子則憂國而祈死成子
繼之數年而卒叔牙之後有四善人皆不得志而莊

叔弒君之子僑如通君之母豎牛餓父武叔毀聖亦足以振叔牙矣

孟孫氏 僖十五年公孫敖救徐而孟氏始至獻子之子宅而別為子服氏其中文伯賢而死于父先惠叔孝而無後二子知禮而譖死雖以獻子之德莊子之孝僖子之講禮懿子之師聖而穆伯好色幾墜宗祀孝伯黜適以亂綱常其未免慶父之餘孽與

春秋同姓名人

春秋有兩蔡侯中一為文公一為昭公僅四世而同名必有一誤也有兩壽夢一為句芒之弟一為於越

之大夫有兩庶其一為莒子一為邾婁之臣有兩子羽一為鄭行人一為衛行人有兩石乞一為衛人殺子路一為楚人事白公又如介子推晉臣也而又有行年十五而相荆者見說苑宛春楚行人也而又有進諫于衛靈公者見呂覽晉舅犯事文公者也而又有為平公叅治國政者見說苑吳公子慶忌夫差之子也而又有王僚之子為要離所刺者見吳越春秋管子書載齊桓公之臣弦章說苑又載景公之臣弦章且傳中范宣子士匄士鞅之父也而士匄相士鞅又見于昭公之六年按杜注即士文伯豈與宣子乃

同名哉然漢書古今人表復有兩士鞅一在中上一
在中下相去不遠殆不可曉

盟誓

曲禮約信曰誓涖牲曰盟盟者要言以昭神也凡合
諸侯者必割牛耳取其血歃之以盟歃以盛血槃以
盛耳讀其載書以次乃歃既歃乃坎牲加書而埋之
其盟神則無復定限故襄十一年傳稱司慎司盟名
山名川羣神羣祀先王先公七姓十二國之祖也其
歃必取血及耳以手執玉敦之血進之於口定八年
拔衛侯之手及椀襄九年口血未乾是也

盟用牛耳卑者執之尊者涖之故鄆澤之盟衛侯請
執牛耳發陽之役衛石魍蒙之盟魯孟武伯皆小國
執牛耳也唯鄆衍之役吳以大國執之不合盟禮故
孟彘不從

凡盟牲用牛而莊三十二年孟任割臂盟公定四年
割子期之心哀十五年與豶從之十六年與豶從已
是倉卒又不必盡用牛矣

兵戎

凡步曰卒車曰乘古者兵車一乘甲士三人卒七十
二人自荀吳毀車為行始用步戰然魏舒曰彼徒我

車是狄先用卒矣隱之九年北戎侵鄭鄭伯曰彼徒我車是戎又更先用卒矣

服牛乘馬以駕車古無單乘者故古書無騎字左師展將以昭公乘馬而歸蓋單騎之漸

襄公二十四年楚子以舟師伐吳此水戰之始至哀公十年吳徐承師舟師將自海入齊又海舟之始也拜賜之師遷延之役汎舟之役皆當日所名也

陳名

魚麗之陳鄭莊公禦王也有右拒左拒中軍先偏後伍伍承彌縫

荆尸楚陳名也武王伐隨為之莊王因之軍行右轅左追蓐前矛慮無中權後勁君之戎分為二廣廣有一卒卒偏之兩

崇卒中行穆子敗羣狄也五乘為三伍為伍乘以相離兩於前伍於後專為右角參為左角偏為前拒伐衛之陳齊莊公作也有先驅申驅貳廣放肱大殿楚田獵之陳宋公為右孟鄭伯為左孟

鄭翩為鸛其御為鶩越子句卒衛支離之卒皆陳名也覆伏兵也衷中也衡陳橫也簡師精也羸師弱也

刑名

輶

輶高渠彌

剛

剛強鉏 曰鬻拳自剛剛者之履曰踊

桔

鬪射師諫執而桔之

囚

囚聃伯又曰管仲請囚

圉

圉伯贏

鞭

鞭七人貫三人耳

貫耳

尸

磔

專

裂車

足斷

械手

亦囚

亦囚

亦囚

貫耳

尸

磔

專亦磔

扶擊

以朴扶職

繫

南冠而縶

醢

齊人醢夙沙衛魯人醢子路古極刑也

劓

後者劓

馘

炮

炮卻寃

敲

奪之杖以敲之

蔡

殺管叔而蔡蔡叔

亨

亨石乞

軍獲曰俘毒死曰醜自經曰縊餓死曰殣刳曰自剄

左傳事紀

卷二

壹擊而死曰殪不以壽終曰鮮弗良死曰強死祈死者士變叔孫婼不瞑者楚成王晉荀偃楚成王有僕區之法晉丹書以著罪鄭子產鑄刑書鄧析為竹刑今有鄧析子書

齊人誦風也南魯人誦千祝古誦以
南採而祭
左傳事緯卷三

左傳事緯卷三

鄒平 馬驥 撰 羅江 李調元 贊 卷才

變卦起於左氏

易說變卦起於左氏如鄭伯廖論曼滿自豐上六變為離晉師救鄭自師初六變為臨子產論楚自復上六變為頤蔡墨論龍見自乾初九變為姤之類其說皆指一爻以立論耳若筮法則諸爻變動原無一定乃左氏所載悉不出一爻之變敬仲之觀六四變否畢萬之屯初九變比季友之大有六五變乾伯姬之歸妹上六變睽卜偃之大有九三變睽棠姜之困六

三變大過穆子之明夷初九變謙姤始之屯初九變比南崩之坤六五變比晉救鄭之泰六五變需此十事更無變重爻者惟晉之遇復以全卦言而魯之民之隨以六二不變爻取義豈春秋二百餘年遂無遇兩爻以上之變卦耶左氏失誣此可見之

左傳引尚書

左傳引尚書以禹謨作夏書僖二十四年地平天成文七年戒之用休襄三年成允成功二十六年與其殺不辜哀十八年官占惟能蔽志皆大禹謨也臯陶謨亦作夏書莊八年臯陶邁種德臯陶謨也此二篇

今實虞書以太甲作夏書昭十年欲敗度太甲篇也今實商書以洪範作商書文五年沈潛剛克襄三年無偏無黨皆洪範也今實周書雖古今敘書或有不同而太甲之為夏書更不可解杜氏釋傳往往以書辭為逸書則未見古文故也

春秋賦詩斷章

春秋賦詩斷章未必合於本詩之義皆取一章一句以寄意也左氏引詩以斷意義亦倣此其許穆夫人之賦載馳鄭人之賦清人秦人之賦黃鳥則作詩之始也

僖公之時周王巡狩至于岱宗季孫行父為之請于周太史克作頌故詩有魯頌惟僖公而已

逸詩

翹翹車乘招我以弓豈不欲往畏我友朋 我無所
監夏后及商用亂之故民卒流亡 俟河之清人壽
幾何北云詢多職競作羅 雖有絲麻無棄菅蒯雖
有姬姜無棄蕉萃凡百君子莫不代匱 周道挺挺
我心扃扃講事不令集人來定 何以恤我我其收
之 禮義不愆何恤于人言 淑慎爾止無載爾偽
我之懷矣自詔伊感

子貢詩傳曰穆王西征祭公述民怨以諫作祈招是亦逸詩也祈昭之悃悃式昭德音思我王度式如玉式如金形民之力而無醉飽之心

狐裘尫茸一國三公吾誰適從晉士為所作詩也國子賦轡之柔矣逸詩也汲冢周書錄其辭曰馬之剛矣轡之柔矣馬亦不剛轡亦不柔志氣庶庶取與不疑

河水

僖二十三年晉重耳所賦

茅鴟

襄二十八年穆叔以諷慶封

新宮

昭二十五年宋公賦者

右皆逸詩有篇名而逸其辭者如白華南陔之類也

歌

濟洹之水贈我以瓊瑰歸乎歸乎瓊瑰盈吾懷乎齊伯

夢歌 我有圃生之杞乎從我者子乎去我者鄙乎倍

其鄰者恥乎已乎已乎非吾黨之士乎鄉人歌 既

定爾婁豬盍歸吾艾豨野人歌 景公死乎不與埋

三軍之士不與謀師乎師乎何黨之乎萊人歌 魯人

之臯數年不覺使我高蹈唯其儒書以為二國憂齊人

歌 佩玉繁兮余無所繫之旨酒一盛兮余與褐之

父睨之申叔乙糧云云 亦不言歌

謳

睥其目皤其腹棄甲而復于思于思棄甲復來宋城者謳

牛則有皮犀兕尚多棄甲則那豳 從其有皮丹

漆若何役人 澤門之皙實與我役邑中之黔實慰我

心宋萊者謳

誦

原田每每舍其舊而新是謀晉輿人 臧之狐裘敗我

於狐貍我君小子朱儒是使朱儒朱儒使我敗於邾

魯人 取我衣冠而褚之取我田疇而伍之孰殺子產

吾其與之 我有子弟子產誨之我有田疇子產殖

之子產而死誰其嗣之鄭人誦于

謠

丙之晨龍尾伏辰均服振振取號之旂鶉之責責天

策焯焯火中成軍號公其奔晉伐鶻之鶴之公出

辱之鸚鵡之羽公在外野往饋之馬鸚鵡跣跣公在

乾侯微裳與襦鸚鵡之巢遠哉遙遙稠父喪勞宋父

以驕鸚鵡鸚鵡往歌來哭魯童

銘

余掖殺國于莫余敢止禮至一命而僂再命而偃

三命而俯循牆而走亦莫余敢侮館於是粥於是

餉余口正考父昧旦平顯饒鼎

箴

芒芒禹跡畫為九州經放九道民有寢廟獸有茂草

各有攸處德用不擾在帝夷羿冒于原獸忘其國恤

而思其靡壯武不可重用不恢於夏家獸臣司原敢

告僕夫虞人民生在勤勤則不匱楚

繇詞

鳳皇于飛和鳴鏘鏘有媯之後將育於姜五世其昌

並於正卿八世之後莫之與京懿專之渝攘公之

翰一薰一蕕十年尚猶有臭晉獻兆如山陵有夫

出狂而喪其雄衛孫文子其名曰友在公之右間於兩

社為公室輔季氏亡則魯不昌楚邱父是謂沈陽

可以興兵利以伐姜不利子商鄭如魚窺尾衡

流而方羊裔馬大國滅之將亡闔門塞竇乃自後踰

衛卜夢以上卜詞

士刳羊亦無益也女承筐亦無貺也西鄰責言不可

償也歸妹之睽猶無相也震之離亦離之震為雷為

火為嬴敗姬車說其輶火焚其旗不利行師敗於宗

邱歸昧睽孤寇張之孤姪從其姑六年其逋逃歸其

國而棄其家明年其死於高粱之虛晉嫁伯姬南國賦

射其元王中厥目楚千乘三去三去之餘獲其

雄狐秦伐晉同復於父敬如君所魯筮成季以上筮詞

雜詞

有酒如淮有肉如坻寡君中此為諸侯師晉中行穆子

有酒如澠有肉如陵寡人中此與君代興齊景公右投壺詞

登此昆吾之虛縣縣生之瓜余為渾良夫叫天無辜

衛侯夢渾良夫課

諺古人之言附

山有木工則度之賓有禮主則擇之匹夫無罪懷

璧其罪心苟無瑕何恤乎無家輔車相倚唇亡

齒寒心則不競何憚於病
庇馬而縱尋斧馬
畏首畏尾身其餘幾
鹿死不擇音
雖鞭之長不
及馬腹
高下在心川澤納汙山藪歲疾瑾瑜匿瑕
國君含垢
民之多幸國之不幸也
殺老牛莫之
敬尸
非宅是卜惟隣是卜
雖有挈餅之知守不
假器
其父析薪其子弗克負荷
室于怒市于色
臣一主三
無過亂門
發不恤其緯而憂宗周
之隕為將及馬
唯食忘憂
民保于信
無穢虐
士飛矢在上走驛在下

誅

昊天不弔不憇遺一老俾屏余一人以在位
煢煢余
在疚嗚呼哀哉尼父無自律
哀公誄孔子
仲尼一誅諸書互見不同禮檀弓云天不遺者老莫
相余位馬嗚呼哀哉尼父五行志云昊天不弔不憇
遺一老俾屏余一人惟世家與左傳同

策命

舅氏余嘉乃勳應乃懿德謂督不忘往踐乃職無逆
朕命
襄命管仲
王謂叔父敬服王命以綏四國糾遯王
慝
襄王命晉文公
昔伯舅太公右我先王股肱周室師保
萬民世祚太師以表東海王室之不壞繫伯舅是賴

左傳事章

卷三

七

今余命女環茲率舅氏之典纂乃祖考無忝乃舊敬
之哉無廢朕命靈王賜命 齊靈公叔父陟恪在我先王之

左右以佐事上帝余敢忘高圉亞圉景王追命 衛襄公

盟辭

渝盟無享國魯鄭結 祐成皆獎王室無相害也有渝此

盟明神殛之俾隊其師無克祚國及而元孫無有老

幼晉文公 盟踐土天禍衛國君臣不協以及此憂也今天

誘其衷使皆降心以相從也不有居者誰守社稷不

有行者誰捍牧圉不協之故用昭乞盟于爾大神以

誘天衷自今日以往既盟之後行者無保其力居者

無懼其罪有渝此盟以相及也明神先君是糾是殛

晉盟 清邱我無爾詐爾無我虞楚平

凡晉楚無相加戎好惡同之同恤菑危備救凶

患若有害楚則晉伐之在晉楚亦如之交贄往來道

路無壅謀其不協而討不庭有渝此盟明神殛之俾

隊其師無克祚國晉楚盟 于宋凡我同盟毋蘊年毋瘞

利毋保姦毋留慝救災恤禍亂同好惡獎王室或

問茲命司慎司盟名山名川羣神羣祀先王先公七

姓十二國之祖明神殛之俾失其民隊命亡氏蹈其

國家晉悼公 盟亳同討不庭晉平公 盟溴梁戮力壹心好惡

同之信罪之有無繾綣從公無通外內昭公盟從者
踐土之盟曰各復舊職平邱之盟曰無或失職黃池
之盟曰好惡同之雖不見本年而互見諸篇若葵邱
之五命則詳於孟子

禱辭

齊環怙恃其險負其衆庶棄好背盟陵虐神主曾臣
彪將率諸侯以討焉其官臣偃實先後之苟捷有功
無作神羞官臣偃無敢復濟惟爾有神裁之晉荀偃伐齊濟
河曾孫蒯曠敢昭告皇祖文王烈祖康叔文祖襄
公鄭勝亂從晉于左難不能治亂使鞅討之蒯曠不

敢自佚備持矛焉敢告無絕筋無折骨無面傷以集
大事無作三祖羞大命不敢請佩玉不敢愛衛太子戰鐵

誓辭

范氏中行氏反易天明斬艾百姓欲擅晉國而滅其
君寡君恃鄭而保焉今鄭為不道棄君助臣二三子
順天明從君命經德義除詬恥在此行也克敵者上
大夫受縣下大夫受郡士田十萬庶人工商遂人臣
隸圉免志父無罪君實圖之若其有罪絞縊以戮桐
棺三寸不設屬辟素車樸馬無入于兆下卿之罰也

趙簡子鐵戰

凡誓辭稱有如日有如河有如皦日有如白水有若
大川皆取心之明白也有如上帝有如先君言上帝
先君之見其心也

大夫引古書

軍志古書也其辭曰先人有奪人之心後人有待其

衰凡二見

宣十二昭

又曰允當則歸

僖二

鄭書古書也或曰鄭史其辭曰安定國家必大馬先

襄三

又曰惡直醜正實蕃有徒

昭二

隱語

呼庚癸呼餘皇麥麴河魚皆軍中隱語也

葬歌

虞殯送葬之歌也見哀公十一年挽歌不始於田橫
之客矣

Vertical columns of text on the right page, including faint bleed-through from the reverse side.

左傳事緯卷四

鄒平 馬驥 撰

羅江 李調元 贊 卷才

左氏字義

左氏字義謂止戈為武反正為乏皿蟲為蠱今人所知也亥有二首六身今人不知也

用字之異

用字之異者宋公斲之戲而相愧曰斲繩息媯繩魯也猶懼不

蕪蕪至也見孟任從之閔閔不從也既合而來奔合答也楚人

憇之脫扃憇教也以蕪陳事蕪救也屈蕩尸之尸止也方震

大叔震懷也則朝而崩崩下也子無我廷廷恐也楚師燔燔大也

左傳事緯卷四

也也鑿而乘于他車鑿一足弄馬之過隱君身也憂甚

間王室也甚毒也詐謂林楚詐暫也或曰大聲也雨不克襄事也襄成

是讒言也也過也也君將散之也散嘔也

以上叛下亦曰叛王叛王孫蘓是也男子喪妻亦曰

寡崔杼生成及彊而寡是也男亦曰媵以井伯媵秦

穆姬是也至公羊謂昭公欲弑季氏則以上殺下亦

可曰弑矣

春秋王侯之享年久者

春秋王侯之享年久者周平王五十一年齊景公五

十八年楚武王五十一年杞桓公六十年滕宣公七

十餘年許穆公小邾穆公皆五十餘年邾文公五十

一年遷繹而卒不為不吉也

善星文人

善星文者晉士文伯鄭裨竈魯梓慎皆詳於傳時有

宋子韋不見左氏而別詳於鴻烈說苑拾遺記諸書

能相人者周內史叔服

識牛鳴者介葛盧

勇力人

勇力者南宮長萬之破犀革圍人犖之投蓋於稷門

聊人紇之抉懸門狄虎彌之自成一隊秦董父之登

左傳事緯

卷四

二

城隊而復上者三顏高之弓六鈞狼曠之斬囚爭右
先軫之免胄馳狄叔山冉之搏人以投高固之築石
以殺人干犢之請一矢熊宜僚之當五百人子期之
抉豫章殺人慶舍之援栢動于薨如此之類事固甚
竒左氏形容曲盡其妙

善射人

善射者多養由基為最射徹七札射呂錡以一矢復
命淮南子曰楚有白蠟王射之則搏矢而熙使養由
基射之始調弓矯矢而蠟抱柱號矣

形貌

形貌則晉文公駢脅

合幹

宋華元睥目

目出

蟠腹

大腹

于思

多鬢之貌

宋子罕黔

黑色

皇國父皙

皙白

齊陳武子白皙鬢鬚眉甚口

大口

楚穆王蠹目而豺聲越椒熊虎之狀豺狼之聲

宋公子鮑美而艷元公惡而婉大子痤美而很

惡貌醜也

晉叔虎美而有勇力伯石豺狼之聲

齊陳豹長而上僂望視

衛渾良夫長而美孟縶足不良弱行

跛也

鄭駸蔑賈大夫俱惡

魯豎牛黑而上僂深目而顰喙叔孫氏之子

穀梁傳季孫行父禿晉卻克眇衛孫良夫跛曹公子

手僂同時而聘於齊杜預云行父跛又長狄身橫九畝斷其

首而載之眉見於軾

美婦人

婦人形貌則孔父之妻美而艷宋芮司徒女赤而毛長而美

手文

手文則唐叔曰虞成季曰友仲子曰為魯夫人石經古文虞作從魯作技手文或似之

鬼神

左氏近誣先儒既言之矣即以鬼神論之方伯有之報帶段也國人恐矣然伯有之出乃子皙攻之而段始伐之今不先報皙而顧急殺段何耶且申生之死驪姬譖之也而徒知報惠公之改葬楚成之死本太子商臣所弑也而徒知以不瞑爭謚皆昧於輕重矣他如樞聲如牛老人結草秦謀六日而蘇之類皆小說家之談而左氏不免况後世之史書乎

夢異

言夢左氏蓋屢見之夢天使者燕姑趙嬰夢河神者

子王夢祖先者衛成及孔成文之夢康叔曹人之夢
振鐸昭公之夢襄公韓宣之夢文公荀偃之夢厲公
夢鬼物者晉景之夢大厲夢二豎平之夢黃熊鄭人
之夢伯有衛侯之夢渾良夫至於叔孫之夢天壓已
宋昭公之夢已為大鳥則幻極矣衛侯之夢謀聲伯
之夢歌則奇甚矣昭七年一歲而言夢者四晉景公
一卒而敘夢者三則煩甚矣

物怪

物怪則豕人立內外蛇鬪蛇出泉宮虎乳子文鳥鳴
出出石言龍鬪雄雞斷尾龍見絳郊左氏之誣在是

章句之妙亦在是

衣飾

衣飾則楚子王瓊弁玉纓

鄭子臧鷁冠

晉郤至韎韋之跗注

齊東郭書皙幘而衣狸製

衛渾良夫紫衣狐裘

雨衣曰製左右異色曰偏衣軍中上下同服曰均服
籃縷敝衣也游服常服也鞶鑑以鑑飾帶也縞帶吳
地所貴紵衣鄭地所貴故子產季札以相贈也

婦人之衣曰蒙衣其近身衣曰袒服

車

車名廣車軌車皆兵車也轄士車即棧車也犀軒卿車也魚軒飾以魚也衝戰車也巢車車上望櫓也亦曰樓車有障曰藩有衣曰葱靈輦路柴車也表甸一轅亦卿車也鞵鞞鞅鞞車乘之飾也美澤可鑑言其美也

舟

舟名吳有餘皇比舟為梁曰造舟

鼎

鼎名郤鼎莒方鼎甲文鼎讒鼎吳壽夢鼎衛舒鼎鑄刑鼎

鐘

鐘名鄭有襄鐘衛有大呂晉有姑洗季武子鑄林鐘

鼓

鼓名晉有密須之鼓

琴

琴名魯齊姜有頌琴猶言雅琴也

劍

劍名吳有屬鏤虞叔有寶劍

弓

弓名魯有封父之繁弱楚有大屈弓無緣者曰弭弓
衣曰弣

矢

矢名魯有金僕姑矢之善者曰敢矢桶曰冰亦曰房

甲

甲名晉有闕鞏之甲

旗

旗名趙簡子有逢旗齊有靈姑鉅鄭有蚤孤

玉

玉名魯有龍輔璠璵韓宣子有玉環晉有垂棘之璧
崔氏有拱璧周有寶珪魯有夏后氏之璜衛向魍亦
有之爾雅肉倍好謂之璧肉好若一謂之環
雙玉曰毅

肉邊好
孔也

器

器名齊以紀甌玉磬賂晉燕以瑤璽玉櫝罍耳賂齊
鄭有瓘罍玉瓚魯昭公賜子家雙琥一環一璧輕服
鄭賂晉以歌鐘罇磬周有魯壺

賄賂

以人賄者魯賂楚以執斲執緘執紆皆百人鄭賂晉

犬名則晉有獒犬之狂曰瘳狗叔孫有吠狗

龜

龜名則衛有成之昭兆魯臧氏有大蔡儻句

蟲

蟲名則有螽蟴蜚蠊蠃始生曰蜾

左傳事緯卷四畢

夏小正箋序

夏小正者所謂夏之時也而曰小正何也言政令之
小者也本大戴禮之一篇隋書經籍志始於大戴禮
外別出夏小正一卷註云戴德撰宋傳崧鄉序謂隋
重賞以求逸書進書者多離拆篇目以邀賞故別出
於理或然考吳陸璣草木鳥獸蟲魚疏引大戴禮夏
小正傳言大戴禮舊本但有夏小正之文而無其傳
戴德為之作傳遂自為一卷後盧辨作註始採其傳
入經文下隋所謂戴德撰者乃傳也當誤傳作撰其
以傳別於經者寔自崧鄉始其為一卷亦猶之小爾

雅乃孔叢子之一篇因李軌之註遂別爲一卷也夏
小正或云子夏作雖未必然然文句簡奧寔三代之
書自傅崧鄉撰戴氏傳四卷外近又有徐世傳之解
黃叔琳之註諸錦之詁雖博稽廣註苦多穿鑿未愜
於心且多舛訛脫漏如經傳有合爲一行者有經大
書而傳小書者亦無定本因得永樂副本經文拾遺
而傳空一字俱大書此可遵也因去其繁蕪約爲之
箋以通其義夫古人之書殘篇斷簡尚詁曲聱牙其不
盡可箋也明矣若必一一而強爲之注不至於鑿不
止此聖人之所以甚重乎史闕文也予之所以爲箋

也正所以正諸家之鑿也彼夫徐氏之以爽死爲爽
鳩以五日爲夏五黃氏之以丹白鳥之爲螢火納卵
蒜以爲兩物諸氏之以短震斷兩句孚粥之斷爲祝
鷄通則通矣其如鑿何故曰予之所以爲箋也所以
正諸家之鑿也西蜀李調元童山拱

夏小正箋卷一

漢

德傳

蜀童山李調元註

正月

正月孟春之月也月令日在營室昏參中旦尾中

營室在亥娠訾之次也

啓蟄 言始發蟄也

蟄藏也靜也言藏伏靜處也啓發也月令孟春蟄

蟲始振始者一歲之始也蟄讀作執見郭象註莊

鴈北鄉 先言鴈而後言鄉者何也見鴈而後數其

鄉也鄉者何也鄉其居也鴈以北方為居何以謂之



生且長焉耳九月遘鴻鴈先言遘而後言鴻鴈何也見遘而後數之則鴻鴈也何不謂南鄉也曰非其居也故不謂南鄉鴻鴈之遘也而一作如不記其鄉何也曰鴻不必當小正之遘者也

月令季冬鴈北鄉此于孟春何也冬去而春來時也大曰鴻小曰鴈月令孟春之月鴻鴈來鴈夜宿鴻內鴈外更相驚避又名陽鳥書禹貢陽鳥攸居所謂居也生且長言生于斯長于斯也遘去也北來則曰鄉南去則曰遘不記其鄉謂經文九月遘鴻鴈無鄉之文以文相比而得其義也鄉向同

特計反長數並上聲

雉震响 响也者鳴也震也者鼓其翼也一本作震也者鳴也

响也者鼓其翼也正月必雷雷不必聞惟雉為必聞何以謂

之雷則雉震响相識以雷案正月必雷下一木多雷則雉震响五字

雉一名翬野鷄也易震為雷月令仲春雷乃發聲今于孟春者言雷未發而雉先震响也陰陽相薄以生萬物其聲甚者為震震戰也言所擊破如戰也响與雉同雄雉鳴也雷始動雉鳴而雉其頸从句者句亦聲也又見月令識知也

冰 陟升也負冰云者言解蟄也

魚上冰負背也言背冰而上也陟言升登也

首種

農緯厥耒 緯束也束其耒云爾用是見君之亦有耒也

月令孟春天子親載耒耜束之為言親載也君亦有耒即耕藉之耒也緯羽鬼切

初歲祭耒 始用暢一作暢也其曰初歲云者暢也暢

也者終歲之用祭也言是月之始用之也初者始也

一本始用暢作經文今從永樂大典本

或曰祭韭也

此句疑在下文園有見韭下錯簡

祭耒者將有事下子書可故祭之也暢與暘同長也

言通暢也田不生者用子之也或曰祭韭謂

韭也暘丑亮切

有見韭 圃也者園之燕者也

韭種而能久之菜也其美在黃春始見也內則春用韭有藩曰園有墻曰圃燕言居息之處也

有倭

受者大也大風南風也何大於南風之有倭有風解凍必於有風生必於南風之

身南風謂之俊者即尚書之時有俊風是也
南風止則冰合故曰生南風起則冰解故曰收大
之喜之詞非南風始名大也

寒日滌凍塗滌也者變也變而煖也凍塗也者凍
下而澤上多也澤釋古通用

滌言煖風也塗泥也傳言澤上多即詩其耕釋釋
之釋言凍在下而釋於上者為多也

田鼠出田鼠者噉鼠也記時也

田鼠生于田間害稼之鼠也寓鼠曰噉噉之云者
頰裏貯食處也噉戶監反

農率均田率者循也均田者始除田也言農夫急
除田也

均平也言相率平田也

獺獻魚獺祭魚其必與之獻何也曰非其類也祭
也者得多也善其祭而後食之十月豺祭獸謂之祭
獺祭魚謂之獻何也豺祭其類獺祭非其類故謂之
獻大之也

獺如小狗水居食魚魚鱗屬獺獸屬故云非其類
獻享也善亦多也

鷹則為鳩鷹也者其殺之時也鳩也者非其殺之

時也善變而之仁也故其言之也曰則盡其辭也鳩
為鷹變而之不仁也故不盡其辭也

鷹鷲鳥以鷹擊故曰鷹王制鳩化為鷹秋時也故
言殺之時月令鷹化為鳩在二月此正月時也故
言非其殺之時生育氣盛鷹感之而化不曰化曰
曰為者反歸舊形也春乃生氣之始所謂毋用牝
毋覆巢毋殺孩蟲胎夭飛鳥時也故曰仁傳謂小
正凡言則者皆盡其辭也

農及雪澤

古通釋

言雪澤之無高下也

管子所謂正月令農始作服于公田農耕及雪釋

是也言雪皆釋而高下皆可耕也

初服于公田 古有公田焉者古者先服公田而後
服其田也

傳言私田所謂雨我公田遂及我私也

采芸 為廟采也

芸草似口宿一名芸蒿似邪蒿而香可供宗廟故
采之也其香又可去蚤蝨辟書蠹

鞠則見 鞠者何也星名也鞠則見者歲再見云爾
鞠當作味爾雅味謂之柳詩召南鄭康成箋嚼在
東方正月時也嚼與味同

初昏參中 蓋記時也

昏日冥也凡日入三刻為昏不盡三刻為明一云日入後二刻半為昏又云日入虞淵為黃昏日入蒙谷為定昏昏時參星在南方之中

斗柄縣在下 言斗柄者所以著參之中也

斗柄北斗杓也第一至四為魁第五至七為杓合為斗初昏時斗柄指參故云參之中

柳穉 穉也者發孚也 孚孳

柳小楊也一物二種楊枝硬而揚起故謂之楊柳枝弱而垂流故謂之柳穉亦作萑木之更生者孳

甲也孟春其日甲乙萬物皆解孚自抽軋而出先于柳見之故曰發孚

梅杏棗桃則華 棗桃山桃也

月令仲春桃始華此于孟春節氣有早晚故也棗一作棗爾雅棗樹似白楊而古今字書有棗而無棗亦無有訓山桃者白棗也詩析薪棗矣是也山桃爾雅旄冬桃榘山桃是也自是二種訓棗桃為山桃者意即榘山桃也 榘同棗音移榘音思

緹縞 縞也者莎隨也緹也者其實也先高緹而後言縞何也緹先見者何也何以謂之小正以著名也 按此

二句儀禮經傳通解置篇首頁小正之下
但爾雅疏亦連引此文蓋何以謂之句應
書法以緹著而先
見故名緹縞也
為一行
言小正

縞與蒿通蒿候也一名候莎俗名香附子即博雅
所謂毛莎蒨也故曰莎隨隨與蒨通緹糞種土色
也其色縹周禮地官草人糞種赤緹是也或云緹
草名未詳

鷄桴粥 粥也者相粥之時也或曰桴姬伏也粥養
也 案桴與芋通相粥之時也
作相粥粥呼也粥與祝粥通

傳言桴為姬伏者謂煦姁覆育也鷄育雛必姬而
伏以母其子也粥粥鷄聲亦作粥粥姬伏則卵發

葶也伏扶勿反

以上正月較月令少以立春天氣下降地氣上
騰天地和同草木萌動

二月

仲春之月也月令日在奎昏弧中旦建星中奎宿
在戌降婁之次也

往耰黍禪 禪單也

耰覆種也黍禾屬而粘者以大暑而種故謂之黍
禪言單者單盡也言往耰種黍之田而盡其力也
或云往耰黍之時始服單袷未詳

初俊羔助厥母粥 俊也者大也粥也者養也言大
羔能食草木而不食於母也羊蓋非其子而後養之
善養而記之也或曰夏有暑而祭祭者用羔是時不
足喜樂善羔之爲生也而記之與

案舊本作謂

牛羊腹時

也暑一作煮

牛一作羔

羊子謂之羔俊言羔始大也木木萌也言羔食其
母稍長大而後食草木以助之也子猶字也非其
字言不爲母所字而後繼以養之故善之也不足
喜樂言羔甫生尙小不足以祭不足喜也與之爲
言猶也言牛羊皆能自育其子也月令仲春天子

乃鮮羔開冰謂獻羔以祭司寒之神疑卽暑祭也

綏多女士

綏安也冠子取婦之時也

禮疏引傳作冠子取妻

時也

綏卽月令養幼少存諸孤也存亦安也冠去聲

丁亥萬用入學

丁亥者吉日也萬也者干戚舞也

入學也者大學也謂今時大舍采也

案匡謬正俗云古之經史采菜

通相

丁亥謂上旬之丁也萬舞兼羽籥干戚省文也月

令上丁命樂正習舞釋菜入學習樂也舍采與釋

菜古通用

祭鮪 祭不必記記鮪何也鮪之至有時美物也鮪者魚之先至者也而其至有時謹記其時

周禮獻人春獻王鮪月令季春薦于于寢廟此于仲春言祭鮪者先祭鮪而後獻廟也鮪一名鮠似鱸而青黑頭小而尖似鐵兒口在頷下甲可摩薑大者曰王鮪小者曰叔鮪

榮菹采蘋 菹菜也蘋由胡由胡者蘋母也蘋旁勃也皆豆實也故記之

菹萱屬生水濱俗名苦菜旱芹也蘋白蒿也似細艾三月采俗呼蓬蒿由胡見爾雅北海謂之旁勃

博雅蘋母旁勃也皆白蒿別名豆實者言皆可充籩豆之實也

昆小蟲抵蜺 昆者衆也由魂魂也魂魂也者動也小蟲動也其先言動而後言蟲者何也萬物至是動動而後著抵猶推也蜺蠹卵也為祭醢也取之則必推之推之不必取故言推而不言取

由魂魂一本作田螺螺誤

魂魂猶法法也言猶法法行不休也由與猶通蠹蟻同周禮醢人掌四豆之實有蜺醢推之為言進也

來降燕乃睇

疑脫室字

燕乙也降者下也言來者何也

莫能見其始出也故曰來降言乃睇何也睇者眇也
眇者視可爲室者也百鳥皆曰巢突穴又謂之室何
也操泥而就家入人內也突一作窠
操一作摻

燕言乙者象鳥舉首也从乙不从乙後人加鳥作
𪇑元鳥也月令是月也元鳥至南楚謂盼曰睇操

泥即御泥也

剝鱗鱗即
鱗字以爲鼓也

鱗一作鮐皮可爲鼓剝者取其皮而裂之也

有鳴倉庚倉庚者商庚也商庚者長股也

倉庚黃鸝也亦作鷦黃見月令註商庚見爾雅長

股以其股之長也

榮芸無
傳

前已言芸矣此復言芸者前言芸之初生此言芸
之華生也

時有見稊始收有見稊而後始收是小正序也小
正之序時也皆若是也稊者所爲豆實

稊楊之秀也蕘收爲豆實

以上二月較月令少始雨水桃始華日夜分又
雷乃發聲始電蟄蟲咸動啓戶始出先見正月

三月

季春之月也月令日在胃昏七星中且牽牛中胃宿在酉大梁之次也

參則伏 伏者非亡之辭也星無時而不見或有不見之時故曰伏云

孟春云昏參中此云參則伏者前星已過故伏而不見也

攝桑 攝而記之急桑也 一本攝上 衍桑字

攝伐也月令命野虞伐桑柘是也急桑言莫亟于桑

萎楊 ○萎一作委 楊則華而後記之

萎柔弱貌楊將華時其條柔弱也一云委落也非

傳意

羴羊 羊有相還之時其類羴羴然記變爾或曰羴羴也

羴之為言圍也謂其環聚也還古通環羴羴羊相逐貌牡羊三歲曰羴或說殆非也

蝮則鳴 蝮天螻也

天螻螻蛄也一曰螿

頌冰 頌冰也者分冰以授大夫也

此非分冰時而言頌者先言分後言頌以授大夫

所謂伐冰之家也

采識 識草也

識當作識爾雅作識卽苦參也葉似槐花黃色結角如蘿蔔子二三粘如小豆味苦除伏熱說文闕

識後人加草也

妾子始蠶 先妾而後子何也日事有漸也言事自卑者始

妾子皆統于妻妾子始蠶其妻可知月令后妃齋戒親東鄉躬桑今不言妻而先言妾子故言自卑者始

耕養宮事

執操也養長也

宮事卽蠶事也今謂養蠶是也執養宮事卽祭義夫人纁三盆手遂布于三宮夫人世婦之吉者使

纁之事也

祈麥實

麥者五穀之先見者故急祈而記之也

一本

麥者作麥實

月令乃爲麥祈實孟夏爲麥秋故此云先見詩所

謂貽我來牟帝命率育也

越有小旱

越于也記是時恒有小旱

越聿同語詞田家五行有三月聽蛙聲占水旱之

諺

田鼠化為鴛 鴛鴦也變而之善故盡其辭也鴛為鼠變而之不善故不盡其辭也

月令同鴛鴦也十二支辰子水位鼠屬于伏乃鶉火之次豈可移易蓋三月大辰候當出火故田鼠至建辰月化為鴛八月辰伏九月當納火而鴛于建酉月為鼠者辰已伏也子與午陰陽之極神交為變化如此可類推也鴛善類鼠不善類也八月日鴛為鼠不言化故曰不盡其辭言惠昭桑始拂桐芭 拂也者拂也桐芭之時也或曰言桐芭始

生貌拂拂然也

芭華也月令桐始華或訓芭為茅未詳

鳴鳩 言始相命也先鳴而後鳩何也鳩者鳴而後知其鳩也

命鳴也相命言相呼也鳩能自呼其名

以上三月較月令少虹始見萍始生戴勝降于桑

四月

孟夏之月也月令日在畢昏翼中旦婺女中畢宿在申實沈之次也

昴則見無傳

昴七星天之耳也白虎之中星也昴之為言留也言物成就繫留也

初昏南門正 南門者星也歲再見壹正蓋大正所取法也

月令昏翼中翼南方宿名也即所謂南門也言天子當陽所取法也十月但云南門見不言正也

鳴札 札者寧縣也鳴而後知之故先鳴而後札懸縣

札爾雅作蜚似蟬而小有文寒蟬也大者為馬蜚

寧縣爾雅注引作虎縣

向有見杏 園者山之燕者也

禮祭法夏祠用杏小正韭則園杏則山也

子即 蜮也者或也屈造之屬也

蝮口文从國即蝦蟆別名非射工之蜮也

鳴是也蜮一作蝮屈或作蝮蝮蝮蝮木

云者言皆其類蜮為射工故以或說

也王瓜色赤感火之色而生也

令云王荇秀荇應从刀貝音故

通用

牙也

苦菜秀感火之味而成也是月其

苦故也一名游冬葉似苦苣而細斷之白汁花

黃似菊周禮地官掌荼言將以為君薦也蔣當作

將或云蔣蓋負茲之類未詳

秀幽案即秀

幽當作萋謂之幽者幽陰之義也四月陽氣極于上而微陰已胎于下萋感之而早秀幽風四月秀

萋是也爾雅釋草萋繞棘菟註今遠志也

越有大旱記時爾

大旱對小旱言之羣芳譜言四月十六日立一丈

竿量月影月當中時影過竿夏旱人饑長九尺八

尺七尺六尺主雨水五尺主夏旱又談苑江南民

于四月一日至四日卜一歲之豐凶云一日雨百

草枯言旱也二日雨傍山居言避水也三日雨騎

木驢言踏車取水亦言旱也四日雨餘有餘言大

熟也小正凡言小旱大旱所以重農事也

執陟攻駒執也者始執駒也執駒也者離之去母

也陟升也執而升之君也攻駒也者教之服車數舍之也

周禮所謂校人執駒攻特也月令三月遊牝于牧

犧牲駒犢舉書其數此則四月矣駒已成矣故言

執駒升之君離之去母使之服車也數入聲

只以止四月較月令少以立夏蚯蚓出聚畜百藥

羊靡草死麥秋至農乃登麥夏旱人始是六月八

五月旱惟小旱言之蓋詩言四月十六日

仲夏之月也月令日在東井昏亢中旦危中

在末鶉首之次也

本末言初終也一則謂或則也月令鄭注云辰角

見九月本也天根見九月末也即本末之說也

乃瓜乃者急瓜之辭也瓜也者始食瓜也按黃本以瓜為

衣末句作

詩豳風七月食瓜此月言乃瓜者蔬蔴之屬也按

孟夏天子始絺作衣近是

良嗎鳴良蠋也者五采具

蠋蟬也良當作娘爾雅蠋娘蠋是也豳風五月鳴

蠋五采具言其翅有文采也

邊之興五日翕望乃伏其不言生而稱興何也不

知其生之時故曰興以其興也故言之興五日翁也
望也者月之望也而伏云者不知其死也故謂之伏
五日也者十五日也翁也者合也伏也者入而不見
也

偃爾雅作蠓蟪蛄也一名蠓蚋莊子所謂蟪蛄不
知春秋是也合聚也

啓灌藍蓼 啓者別也陶而疏之也灌也者聚生

也記時也

藍染青草也有三種蓼藍染綠大藍如介染碧槐
藍如槐染青皆可作澱成勝母荀子青出于藍而

參則見參也者伐星也故盡其辭也

漢天文志參爲白虎三星直者爲衡石下有三星
銳曰罰謂罰在參間上小下大故曰銳伐與參連
體參爲列宿統名之若一宿然參又名實沈見左
傳

浮游有殷 殷衆也浮游殷之時也浮游者渠略也
朝生而暮死稱有何有見也

浮游通作蜉蝣楊子方言蜉蝣秦晉之間謂之渠
畧爾雅蜉蝣渠畧是也似蛄蟻身狹而長有角黃
黑色大如指長三四寸甲下有翅能飛聚生糞土

中朝生暮死夏日陰雨時地中出燒炙噉之美如
蟬猶好啖之詩浮游之羽衣裳楚楚是也樊光之
問謂之糞中蝎蟲

鳩則鳴鳩者百鷓也鳴者相命也其不辜之時也
是善之故盡其辭也

月令鳩始鳴鳩鳩也鷓鳩也一名鷓鷃即百鷓也

今謂之巧婦又謂之襪雀是也辜負也于是載續
矣鳴不負其時也

時有養日志養長也一則在本一則在末故其記曰

有養日云也

案一本有作時日作自

對盡其翰也

青于藍此言藍蓼即蓼藍也青乃赤之母故陶而
疏之月令令民毋刈藍以染恐傷時氣也啓灌謂
開別其藜雜也

鳩為鷹

無傳

傳所謂變而之不仁也

唐蝸鳴 唐蝸者匭也

唐當作蟾蟾蝸者似蟬而小也俗呼為胡蟬江南
謂之蟾蜍江東呼為茅截傳言匭言蠶之類也與
上匭同名異實

初昏大火中種黍菽糜

按諸本脫此四字

大火者心也心

種黍菽糜時也

大火鶉火辰次之名心為大火故心屬火黍註見

前菽大豆也糜赤苗穀也詩維糜維芑是也心中正

中也糜音門

煮梅為豆實也

梅似李實酢者可以和羹籩實之乾棣也

蓄蘭為沐浴也

草之一幹一花而香有餘者蘭也蓄以為蘭湯沐

浴之用也

菽糜已在經中又言之是何也時食矩關而記之

按矩關一作短關或作豆鬻皆傳寫之訛

菽糜以菽作糜也糜粥也煮米糲為餠也矩或解

作法非矩當為巨大也言夏時以菽為糜乃所食

之大關故不復著種黍而祥記菽糜也

頌馬

分夫婦之駒也

夫婦一作大夫

月令遊牝別羣班馬政是也季春遊牝于牧至此

妊孕已遂故不使同羣所謂分夫婦之駒也夫婦

者牝牡也頌與班同布也言布散其牝牡之馬也

將間諸則

閒與閑通

或取離駒納之則法也

月令擊騰駒是也閒防其騰躍則止其躑躅也

以上五月較月令少螳螟生反舌無聲農乃登黍羞以舍桃日長至陰陽爭生死分鹿角解牛夏生木堇榮

六月

季夏之月也月令日在柳昏火中口奎中柳宿在午鶉火之次也

初昏斗柄正在上五月大火中六月斗柄正在上用此見斗柄之不正當心也蓋當依依尾也

一本上依字下有也

火大火心星也尾尾星也

煮桃 桃也者地桃也地桃也者山桃也煮以爲豆實也

註見正月

鷹始擊 始擊而言之何也諱殺之辭也故言擊云一木無故言二字

月令鷹乃學習此言始擊言始學擊擊也不言殺而言擊故曰諱殺按六月月令最悉此月太畧疑有脫文也擊驚通

以上月令較月令少溫風始至蟋蟀居壁腐草爲螢土潤溽暑大雨時行

七月

孟秋之月也月令日在翼昏建星中旦畢中翼宿在巳鶉首之次也

秀藿葦葦未秀則不為藿葦秀然後為藿葦故先言

秀藿當作藿

是月涼風至白露降矣藿蒺也葦葭也幽風八月

藿葦此在七月言始生故曰秀

狸子肇肆肇始也肆遂也言其始遂也或曰肆殺

也按或曰一本作其或曰狸一作裡

狸似貓狐類莊子卑身而伏以候敖者狸音离

湟潦生萃湟下處也有湟而後有潦有潦而後有萃草也

萃草也

湟潦積水也萃水萃藟蕭也葉青白色莖似箸今

藟蒿也湟音黃潦勞去聲

爽死爽也者猶疏也

爽當作蕞草也疏與蔬通言草似蔬也

莽秀莽承樂大典作莽莽也者馬帚也

莽草似著俗謂著莽旱萃也可為掃帚莽音餅

漢案戶漢也者天漢也案戶也者直戶也言正南

北也漢一作河

夏小正

卷

三

天漢言天河也箕斗之間漢津也直戶言天漢當戶如橫案然

寒蟬鳴

寒蟬也者蜩螗也

蟬一本作蝗

蜩螗小蟬一名蜷蚨自關而東謂之蚘螗或謂之

蜩螗大兮反螗當作螗

初昏織女正東鄉

無傳

織女三星天女也

時有霖雨

無傳

久雨謂之淫久淫謂之霖凡雨自三日以徃為霖

灌荼

灌荼也荼萑葦之秀為蔣褚之也萑未秀為

荼葦未秀為蘆

荼萑苕也一云野苕一云茅秀萑葦即蒹葭也萑

初生為葦長大為蘆成則為萑葦聚生也蔣疑作

將褚著也猶今絮也言將著絮也

斗柄縣在下則旦

無傳

旦明也斗柄縣在下則天明日至於曲阿北是謂

旦明

以上七月較月令少涼風至白露降鷹乃祭鳥

用始行戮以立秋農乃登穀

八月

夏卜正

卷一

三

仲秋之月也月令日在角昏牽牛中旦觜觴中角
在辰壽星之次也觜音茲觴音攜

剝瓜 剝瓜也者畜瓜之時也

剝削也七月食瓜之後又畜瓜為明年種也

元校 玄也者黑也校也者若絳色然婦人未稼者

衣也

姜兆錫儀禮內外編讀經文
連下作元校剝句棗栗零句

校當作絞蒼黃色玉藻絞衣以裼之按校本字見
禮記祭統夫人薦豆執校謂豆中夫直者為校傳

言校為衣未詳

剝棗 剝也者取也

剝擊也詩八月剝棗是也

栗零 零也者降也零而後取之故不言剝也

栗可充籩實零零落也

丹鳥羞白鳥 丹鳥也者謂丹良也白鳥也者謂蚊

蚋也其謂之鳥者何也重其養者也有翼者為鳥羞

也者進也不進食也

蚊一本
作聞

丹良蟲各疑即蠶也蠶黃甲蟲列子蚊齧生於腐

蠶

辰則伏 辰也者謂心也伏也者入而不見也

辰者大火也為心星伐為參星也

鹿人從 鹿人從者從羣也 麀養也 離羣而善之離而生非所知時也 故記從不記離 君子之居幽也不言 或曰人從也者大者於外小者於內率之也

鹿善聚善散 鹿人從者鹿若人之相從也 善之善走也大者處外小者處內 俱指鹿言 鹿子小時必相離乃得生 此時長成矣 如人之相從矣 故記之不記離者 如人之幽處亦無可記也 故云君子之居幽也不言

駕為鼠

無傳

註見前

參中則且

無傳

言天明正參中時也

以上八月較月令少盲風至鴻鴈至元鳥歸羣鳥養羞日夜分雷始收聲蟄蟲坏戶

九月

季秋之月也 月令日在房昏虛中 旦柳中 房在卯大火之次也

內火 內火也者大火

按此下一有也字

大火也者心也

大火鶉火辰次之名也 內者言向內也 詩九月流火是也

遷鴻鴈 遷往也

註見正月

主夫出火 主夫也者主以時縱火也

案傳崧卿云夫當作火以備寒也主火主薪炭之

人也宜納而出何也于是不出也

陟元鳥蟄 陟升也元鳥也者燕也先言陟而後言

蟄何也陟而後蟄也 或云經文蟄字當連下能罷貉貉為句

月令仲秋元鳥歸此于季秋則歸而蟄矣

罷罷貉貉鼪鼯則穴 按罷罷一作熊罷鼪鼯一作鼪鼯今從爾雅文改鼪音斯鼯音

穴也者言蟄也

月令所謂蟄蟲咸俯在內皆墜其戶也能古熊字

罷熊屬貉似熊如大驢能食鐵色蒼白貉似狸銳

頭尖鼻蒼色鼪鼠狼也江東曰黃鼠狼鼫似鼪赤

黃色大尾啖鼠也一名地猴

榮鞠樹麥 鞠草也鞠榮而樹麥時之急也

鞠與菊通鞠榮者菊華榮也月令鞠有黃華樹麥

者種麥也月令仲秋乃勸種麥

王始裘 王始裘者何也衣裘之時也

周禮季秋獻功裘是也月令天子始裘在十月

辰繫于日 無傳

辰日月所交會之地止言繫于日者者日在房所
謂房在卯大火之次也

雀入于海為蛤 蓋有矣非常入也

飛物化為潛物也雀與爵通月令爵入大水為蛤
是也不言水而言海以水之大者言也黃雀秋化
為蛤春復為黃雀五百年為蜃蛤見述異記

以上九月較月令少豺乃祭獸戮禽霜始降土

丁命樂正入學習樂草木黃落乃代薪為炭

十月

孟冬之月也月令日在尾昏危中旦七星中尾在

寅析木之次也七星見季春

豺祭獸

善其祭而食之也

物而下
有後字

豺狼屬長尾白頰色黃身瘦俗呼瘦豺月令季秋
之月豺乃祭獸此言孟冬月者秋冬之交也

初昏南門見

南門者星名也及此再見矣

詳見四月此月南門朝見于東南隅言昏見疑文
有誤

黑鳥浴

黑鳥者何也鳥也浴也者飛乍高乍下也

烏慈鳥也能反哺謂之孝鳥又一種脰下白者為
雅又一種大啄白脰者為鬼雀不詳鳥也鳥多羣

飛一起一伏如浴于水然故謂之浴一云沐浴于
大化亦通

時有養夜 養者長也若日之長也

養夜言夜之長與日之長等也見五月

元雉入于淮為蜃 蜃者蒲盧也

亦飛物化為潛物也言元雉應元冥也大蛤曰蜃

月令雉入于水為蜃按古語謂隨變而成者曰蒲

盧不專指蚌也一名蒲盧水虫名

織女正北鄉則日無傳

孟秋言昏東鄉此孟冬則旦時正北鄉矣

以上十月較月令少水始冰地始凍虹藏不見

以立冬天氣上騰地氣下降天地不通閉塞而

成冬天子始裘

十有一月

仲冬之月也月令日在斗昏東辟中且軫中斗在

丑星紀之次也

王狩 王狩者言王之時田也獵為狩

詳見周禮大司馬月令季秋天子乃厲飾執工挾

矢以獵乃秋獵也此于仲冬故曰冬獵大閱狩也

陳筋革 陳筋革者省兵甲也

筋革所以包兵甲

齊人不從 不從者弗行

齊當作稽農夫也言大閱之時農夫不從狩所以

休息也

於時月也萬物不通

入字應為經文
各本誤作小註

月令天地不通閉塞而成冬是也是月日暢月言

諸蟄皆充暢于內若大房然發天地之房則諸蟄

必死

隕麋角 隕墜也日冬至陽氣至始動諸向生皆蒙

蒙符矣故麋角隕記時焉爾

月令麋角解隕亦解也麋鹿屬冬至解其角符會

合也言衆生皆與陽氣會合也

以上十一月較月令少冰始壯地始坼鶡旦不

鳴虎始交芸始生荔挺出水泉動日短至

十有二月

季冬之月也月令日在婺女昏婁中旦氏中

鳴弋 弋也者禽也先言鳴而後言弋者何也鳴而

後知其弋也

弋鳶也古通用或作弋弓也謂角弓鳴恐鑿

元駒賁 元駒也者螳也賁者何也走于地中也

元駒蟻別名也螻蛄通賁僨通義同奔

納卯蒜一卯蒜也者本如卵也 納者何也納之君

也

蒜葷菜也大蒜為葫小蒜為卵或作蒜訓蘇同謂
草木疏貌與傳義不合且子卯字格礙

虞人入梁 虞人官也梁者主設罟罟者也

月令命漁師始漁是也罟古罔字罟罟結繩為之
所以取魚

隕麋角 蓋陽氣且賂也故記之也

已見仲冬此疑衍文傳應別有註也或云向始動

今明見故兩記之亦通

以上十二月較月令少鵲始巢雉雛鷄乳征鳥
厲疾冰方盛木澤腹堅命取冰命有司大難日
窮于次月窮于紀星回于天數將幾終歲且更
始





